



**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINA TEŠANJ
OPĆINSKO VIJEĆE**

Broj: 01- _____ /20
Datum, _____ 2020. godine

- P R I J E D L O G -

Na osnovu člana 14. Statuta Općine Tešanj ("Službeni glasnik Općine Tešanj", broj: 11/07) i Odluke Vlade FBiH o proglašenju nesreće uzrokovane pojavom koronavirusa Broj: 408/20 od 16.03.2020. godine, Općinsko vijeće Tešanj na svojoj ___ sjednici, održanoj dana _____ 2020. godine, d o n o s i

O D L U K U

o izmjeni Općinskih propisa s ciljem obezbjeđenja pomoći
za ublažavanje posljedica pandemije

Član 1.

Ovom odlukom utvrđuju se izmjene Općinskih propisa s ciljem ublažavanja posljedica pandemije, obezbjeđenja sredstva za borbu protiv širenja koronavirusa i pomoć zdravstvenom sektoru, stanovništvu, licima koja su ostala bez posla te pomoć privredi općine.

Član 2.

Oslobađaju se od plaćanja zakupa poslovnih prostora Općine, svi korisnici za mjesec u kojima je bilo zabranjeno poslovanje zbog pandemije.

Član 3.

Oslobađaju se od plaćanja zakupa zemljišta i placeva Općine, svi zakupci za mjesec u kojima im je bio zabranjen rad zbog pandemije.

Član 4.

Oslobađaju se od plaćanja naknade u Fond za vatrogastvo za 2020. godinu, sve firme čiji je rad bio zabranjen zbog pandemije.

Član 5.

Oslobađaju se plaćanja komunalne naknade za 2020. godinu, svi građani i firme čiji je rad bio zabranjen zbog pandemije, a ako su iste plaćene za tekuću godinu biti će oslobođeni za 2021. godinu.

Član 6.

Oslobađaju se plaćanja komunalne takse (takse na firmu) za 2020. godinu svi obveznici po Odluci o komunalnim taksama ("Sl. glasnik Općine Tešanj", broj: 4/08 i 5/09) kojima je bio zabranjen rad zbog pandemije, a ako su iste plaćene za tekuću godinu biti će oslobođeni za 2021. godinu.

Član 7.

Oslobađaju se obaveznici naknade za upotrebu taxi stajališta za 2020. godinu, utvrđene članom 3. Odluke o visini naknade za upotrebu taksi stajališta ("Službeni glasnik Općine Tešanj", broj: 10/10) a ako su iste plaćene za tekuću godinu biti će oslobođeni za 2021. godinu.

Član 8.

Ova odluka stupa na snagu danom donošenja, a primjenjivat će se od 01.04.2020. godine i objavit će se u "Službenom glasniku Općine Tešanj".

OPĆINA TEŠANJ
OPĆINSKO VIJEĆE

PREDSJEDAVAJUĆI VIJEĆA
Senad N.Subašić, dipl.ecc.

Obrazloženje

PRAVNI OSNOV:

Pravni osnov za donošenje ove Odluke sadržan je u članu 14. Statuta Općine Tešanj ("Službeni glasnik Općine Tešanj", broj: 11/07) i Odluci Vlade FBiH o proglašenju nesreće uzrokovane pojavom koronavirusa Broj: 408/20 od 16.03.2020. godine.

RAZLOZI ZA DONOŠENJE ODLUKE:

Vlada FBiH poduzela je mjere subvencioniranja doprinosa i poreza za sve zaposlene kako kod obrtnika tako i kod velikih preduzeća, do je Vlada ZDK osigurala isplatu polovine neto plaće za mjesec mart i cjelokupan iznos minimalne plaće za mjesec april.


Izmjenama Općinskih propisa nastoji se ublažiti posljedice pandemije, obezbjediti sredstva za borbu protiv širenja koronavirusa i pomoć poslodavcima, zdravstvenom sektoru i stanovništvu.

Umanjenje obaveza građana i poslovnih subjekata po gore navedenom osnovu su cca 300.000 KM, Sve uštede, donacije i grantovi navedeni u rebalansu budžeta biti će usmjereni za otklanjanje posljedica i sprečavanje nastanka novih šteta, za poljoprivredu-pomoć u proljetnoj sjetvi, i za direktnu podršku malim obrtima.

Pored navedenog, uštede samog organa uprave provodile bi se direktnom primjenom rebalansa budžeta, a u slučaju još nepovoljnije situacije išlo bi se sa daljim umanjnjima kako obaveza građana tako i isplata prema budžetskim korisnicima.


OBRAĐIVAČ

Služba za finansije, privredu,
komunalne i inspeksijske poslove
Hojkurić Hamzalija, dipl.oec.



PREDLAGAČ OPĆINSKI NAČELNIK

Mr.sci.Huskić Suad



Broj: 02-14-2-2536-5/20
Datum, 13.04.2020. godine